



- SENAT -

Broj: 01-14-26/26

Sarajevo, 24. 06. 2026. godine

Na osnovu člana 61., a u vezi sa članom 96. Zakona o visokom obrazovanju („Službene novine Kantona Sarajevo“, broj: 36/22 i 28/25) i člana 64., a u vezi sa članom 170. stav (3) Statuta Univerziteta u Sarajevu sa pripadajućim izmjenama i dopunama, Senat Univerziteta u Sarajevu je na 20. redovnoj sjednici održanoj 24. 06. 2026. godine, donio *sljedeću*

ODLUKU

I

Daje se **saglasnost** na dopunu Akademskog kalendara Univerziteta u Sarajevu za akademsku 2025/2026. godinu kojom se utvrđuje Akademska pauza, kako slijedi:

	JULI / SRPANJ 2026.	
06. 07 - 17. 07.	Popravni ispitni termin za studente koji studiraju u skladu sa bolonjskim principima	
06. 07- 17. 07.	Julski ispitni termin za studente koji ne studiraju u skladu sa bolonjskim principima	
06. i 07. 07.	Sjednice grupacija nauka/umjetnosti	
11. 07.	Dan sjećanja na žrtve genocida u Srebrenici ³	Nema nastavnih i aktivnosti provjera znanja
15. 07.	Redovna sjednica Senata Univerziteta u Sarajevu	
20. 07. - 21. 08.	Akademska pauza ⁵	

⁵ **Akademska pauza** predstavlja period u okviru akademske godine u kojem se, u pravilu, ne planiraju niti realiziraju redovne nastavne aktivnosti, redovni ispitni rokovi, sjednice nastavnih/umjetničkih/naučnoistraživačkih vijeća, izbori rukovodnih tijela članica, kao ni druge redovne akademske/naučnoistraživačke aktivnosti Univerziteta i njegovih članica.

Akademska pauza ujedno predstavlja period u kojem se, u skladu s planovima korištenja godišnjih odmora članica Univerziteta, planira korištenje godišnjih odmora zaposlenika.

Tokom Akademske pauze ne teku rokovi u akademskim postupcima iz nadležnosti tijela Univerziteta i njegovih članica, uključujući postupke izbora u akademska/naučnoistraživačka zvanja, izbora rukovodnih tijela članica, razmatranja izvještaja komisija, davanja saglasnosti i druge srodne postupke, osim ako zakonom, Statutom, drugim općim aktom Univerziteta ili posebnom odlukom nadležnog tijela nije drugačije određeno.

II

Ova odluka stupa na snagu danom donošenja.

Obrazloženje

Dopuna Akademskog kalendara Univerziteta u Sarajevu za akademsku 2025/2026. godinu vrši se s ciljem preciziranja perioda ljetne pauze, odnosno perioda korištenja godišnjih odmora u periodu od 20. 07. do 21. 08. 2026. godine. Imajući u vidu potrebu pravovremenog i jasnog planiranja nastavnih, ispitnih i drugih aktivnosti Univerziteta i njegovih članica tokom ljetnog perioda, ocijenjeno je opravdanim da se navedeni period posebno definiše u Akademskom kalendaru. Na ovaj način članicama Univerziteta omogućava se da, u skladu s vlastitom organizacijom rada i obavezama koje proizlaze iz realizacije akademske godine, blagovremeno planiraju aktivnosti u periodu ljetne pauze, uključujući i korištenje godišnjih odmora zaposlenika. Ova izmjena ima isključivo organizacioni karakter i usmjerena je na jasnije određivanje relevantnih rokova i aktivnosti u okviru akademske 2025/2026. godine.

Cijeneći navedeno, Senat Univerziteta u Sarajevu donio je odluku kako je navedeno u dispozitivu.

REKTOR

Prof. dr. Tarik Zaimović



Dostaviti:

- Članicama Univerziteta u Sarajevu (putem Službe za nastavu i studentska pitanja Univerziteta u Sarajevu)
- Službi za nastavu i studentska pitanja Univerziteta u Sarajevu
- Generalnom sekretaru Univerziteta u Sarajevu
- Internet stranica Univerziteta u Sarajevu
- Dokumentacija Senata Univerziteta u Sarajevu
- Arhivi